



Bosna i Hercegovina  
Federacija Bosne i Hercegovine  
Tuzlanski kanton  
**GRAD GRADAČAC**

H.K.Gradaševića 54, 76 250 Gradačac, telefon 035-369-750, fax. 035-369-751, e.mail: [opc.grad@bih.net.ba](mailto:opc.grad@bih.net.ba), [www.gradacac.ba](http://www.gradacac.ba)

*Nacrt*

Na osnovu člana 13. stav 2. alineja 18. Zakona o principima lokalne samouprave u Federaciji BiH ("Službene novine Federacije BiH", broj 49/06 i 51/09), člana 2. Zakona o osnovama sigurnosti saobraćaja na putevima u Bosni i Hercegovini („Službeni glasnik BiH“ broj: 6/06, 75/06, 44/07, 84/09, 48/10, 48/13, 8/17 i 9/17) i člana 21. tačka 2. Statuta Grada Gradačac („Službeni glasnik Grada Gradačac“, br:10/22), Gradsko vijeće Grada Gradačac na \_\_\_\_ . redovnoj sjednici održanoj \_\_\_\_ juna 2024. godine, donosi:

**ODLUKU**  
**o izmjeni Odluke o bezbjednosti saobraćaja**  
**na putevima grada Gradačac**

**Član 1.**

U Odluci o bezbjednosti saobraćaja na putevima grada Gradačac ("Službeni glasnik grada Gradačac", broj: 2/23 i 1/24 ), (u daljem tekstu: Odluka), član 6. stav (2) se mijenja i glasi: "Zabranjuje se saobraćaj za sva motorna vozila u ulici "H. k. Gradaševića" (od sata do malog kružnog toka kod MUP-a) u periodu od 01. maja do 31. avgusta u terminu od 00-24h".

**Član 2.**

Član 10. stav (1) tačka c) se također mijenja i glasi: "Ulica "Hasana Kikića" od raskrsnice kod Gradskog kina do drugog lijevog skretanja u stambeni niz, odnosno lijevo skretanje između ulica "Partizanske bolnice" i "XVIII Hvatskih NOUB", izuzev u periodu od 01. maja do 31. avgusta kada će se saobraćaj motornih vozila odvijati dvosmjerno."

**Član 3.**

Ova Odluka stupa na snagu osmog dana od dana objavljivanja u "Službenom glasniku Grada Gradačac".

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD GRADAČAC

- Gradsko vijeće -

Broj: \_\_\_\_\_  
Gradačac, \_\_\_\_\_ 2024. godine

PREDSJEDAVAJUĆI  
GRADSKOG VIJEĆA

\_\_\_\_\_  
Mustafa H. Adulović, s.r

**O b r a z l o ž e n j e**  
**Odluke o izmjeni Odluke o bezbjednosti saobraćaja**  
**na putevima grada Gradačac**

**Pravni osnov:**

Pravni osnov za donošenje Odluke o izmjeni i dopuni Odluke o bezbjednosti saobraćaja na putevima Općine Gradačac sadržan je u člana 13. stav 2. alineja 18. Zakona o principima lokalne samouprave u Federaciji BiH ("Službene novine Federacije BiH", broj 49/06 i 51/09), koji navodi da je Organ odlučivanja jedinice lokalne samouprave općinsko vijeće u općini, a gradsko vijeće u gradu (u daljnjem tekstu: vijeće). Vijeće u okviru svojih nadležnosti između ostalog obavlja i druge poslove utvrđene zakonom i statutom.

U članu 2. stav (1) Zakona o osnovama bezbjednosti saobraćaja na putevima u Bosni Hercegovini ("Sl. glasnik BiH", br. 6/2006, 75/2006 - ispr, 44/2007, 84/2009, 48/2010, 48/2010 - dr. zakon, 18/2013, 8/2017, 89/2017 i 9/2018.) koji glasi: „(1) Organi Bosne i Hercegovine, entitetski i kantonalni organi i organi Brčko Distrikta Bosne i Hercegovine i organi lokalne samouprave i lokalne uprave u gradovima i opštinama (u daljnjem tekstu: nadležni organi) obezbijediće sprovođenje ovog zakona i u okviru svoje nadležnosti donosit će propise i preduzimat će druge potrebne mjere za njegovo dosljedno sprovođenje.“

Članom 21. tačka 2. Statuta Grada Gradačac („Službeni glasnik Grada Gradačac” br:10/22), propisano je da Gradsko vijeće u okviru svoje nadležnosti donosi Odluke i druge opće akte kojima uređuje pitanja iz samoupravnog djelokruga Grada.

**Razlozi za donošenje Odluke:** Na kolegiju Gradskog vijeća Grada Gradačac, održanom 19.06.2024. godine, od strane predsjednika kluba vijećnika predložena je izmjena člana 6. stav (2) Odluke o bezbjednosti saobraćaja na području grada Gradačac (u daljnjem tekstu: Odluka). Ova izmjena se posebno odnosi na promjenu vremenskog okvira u kojem je zabranjeno kretanje svih motornih vozila na dionici od sata do malog kružnog toka kod MUP-a. Proglašenjem ove dionice šetalištem u navedenom vremenskom periodu stvorili bismo prijatno okruženje za šetanje, kupovinu i uživanje u gradskim atrakcijama. Također, povećali bismo sigurnost pješaka i doprinijeli smanjenju emisije štetnih gasova i buke.

Međutim, tokom izrade prijedloga za izmjenu Odluke Gradska služba za urbanizam, investicije i komunalne poslove je identifikovala određene rizike. Ti rizici uključuju: kretanje službenih motornih vozila gradske uprave Grada Gradačac sa službenog parkinga, motornih vozila MUP-a i dr. privatnih motornih vozila sa službenog parkinga, kao i kretanje dostavnih vozila do kafića, banaka i drugih objekata koji se nalaze na istoj dionici ulice. Predloženom izmjenom člana 10. stav (1) tačka c) Odluke došlo bi do ukidanja otprilike 15 parking mjesta u ulici Hasana Kikića. Također, važno je napomenuti da nadležna Služba često zaprima žalbe putem e-citizen platforme od strane stanara ulice Hasana Kikića, koji ističu problem oko parking mjesta. Obzirom na navedeno, nadležna Služba nije u potpunosti saglasna sa prijedlogom izmjene date Odluke, te stoga nadežna Služba predlaže da ista ide u Nactr.

Obrađivač:  
Jelena Tokić,  
Gradska služba za urbanizam, investicije  
i komunalne poslove

Predlagač,  
Gradonačelnik,